



KŌRERO ĀWHINA

He kōrero āwhina mō te tuari i tō kōrero

Kia uru koe ki Ngā Tohu, ka tonoa koe ki te tuari i tō koutou kōrero ko tō rōpū, tīma, whakahoatanga rānei – me ngā taunakitanga – kia noho mārama tonu te Pae Whakawā ki tā koutou i whai ai, ā, i tutuki ai.

I a koe e whakarite ana i tō tono:

- Me mātua whai kia nui tonu ngā pārongo whakataurite, raraunga me ētahi atu taunakitanga
- me mātua whakaatu e ngā tauanakitanga te mahitahi – kaua e arotahi ki tētahi tangata takitahi
- takina tētahi kōrero mō te hiranga o te mātauranga, kaua mō ngā mahi noa o ia rā. Nā reira, me whakaatu i ngā rerekētanga i taea hei painga anō mō ngā ākonga, ngā kaiako, ō rātou whānau me te hapori
- me mārama tonu ko tā koutou i tutuki ai me ngā hua i puta
- me whai kia kapi i tō kōrero tētahi wā roa – ko te iti rawa kia rua tau.

He pēhea te āhua o te tono pai rawa?

I pātaihia ētahi o ngā kaiwhakawā mō ō rātou whakaaro mō te āhua o te tono pai rawa, me ētahi o ngā tumuaki, kaiako, me ētahi tāngata o ngā rōpū i toa i ngā tau ki mua mō te ara i whāia e ratou ki te tuku ā rātou kōrero.

He kupu āwhina mai i te hunga i whiria me ngā toa

Me Whakamahaera Wawe

Me tīmata te tuhi i ō kōrero i te rangi tonu e whakatau ana koe kia whakauru mai, arā, me tuhi katoa ō whakaaro me ō tirohanga i te pupūnga ake. Hei āwhina tēnei i a koe kia tuhi i tō take wānanga, nā te mea kua tuhia kētia e koe ngā kaupapa matua me "mātua whakaatu ki te ao".

Kimihia Te Pūtake O Ō Mahi

Kia mārama tonu koe mō te pūtake torowhānui o tō kaupapa, ā, tautuhia ūna whenu matua. Wetekina, whakamāramatia te whakaaro i muri e takoto ana, he pēhea i tupu mai ai, he pēhea i tika ai mō tō pūtake torowhānui.

Kia Noho Piri Mai Ki Tō Kōrero

Kaua e wareware kia tuia mai tō tono whakauru e te hunga tino pātata ki tō take wānanga, ki tō kōrero rānei. Kaua e tukua ki te tangata o waho i tō rōpū hei mahi i tēnei mahi.

Kia Kotahi Te Waka, Kia Kotahi Te Hoe

Me mātua whai kia uru mai ngā tāngata o tō kura, ratonga kōhungahunga rānei, kia wātea hoki rātou ki te tiri, ki te whakaū rānei i tō kōrero. Me whai anō kia noho mārama tonu rātou ki te take o te tono me tāu e whai nei.

Whakaohongia Ō Ākonga Ki Te Āwhina Mai

Ko ngā tino kaitautoko mō tō kōrero/take wānanga ko ū akonga tonu. Tukua he wāhi ki a rātou i tō tono whakauru.

Kohia Ō Taunakitanga

He mea whaitake ngā raraunga me ngā pārongo taketake. He wero tēnei mō ngā kura kōhungahunga – nō reira me whakauru mai ngā pārongo taketake katoa e taea ana. Me whai kia uru mai ngā kōrero me ngā raraunga ma i i ngā whānau mō ngā tutukitanga o ā rātou tamariki.

Whakaatuhia ngā painga

Kia tuwhera tonu ngā whakaaro ki ngā painga mō ngā tamariki me ngā taiohi katoa me ngā hua o ēnei mō te hapori.

Kia Pono Tonu

Me mātua mōhio he pono ū kōrero katoa. Mehemea ka whiria tō tono hei tono whiriwhiri, me puta ko tōu reo ake, me te reo tonu hoki o te hunga o roto.